

河南府縣志輯

中國地方志集成

道光泌陽縣志
民國汝南縣志


中國地方志集成

河南府縣志輯 ④7

民
國
汝
南
縣
志

道
光
泌
陽
縣
志


上海書店 ● 巴蜀書社 ● 江蘇古籍出版社



道光泌陽縣志

(清)

倪明進修
栗郢纂



本書十二卷、首一卷。現據道光八年（一八二八）刻本影印。

重修泌陽縣志序

邑之有志猶國之有史也志與史相為表裏體裁大小不同而義例則一故作史有三難作志亦如之今昔殊時人事遷變考據之難一採訪難周蒐羅未廣徵之或非其人傳之不得其真核實之難二宜詳而畧宜畧而詳一人而傳聞異辭一事而意見各出纂定之難三然此猶其後焉者也地方官執筆簿書日逐逐無餘閒視此事為無關緊要即有意修輯勢不能不延知名之士分任其事求之遠方則人與地不相習既課虛叩寂之徒勞求之本籍則親與舊或相蒙又顛是倒非之不免甚至因仍簡陋傳笑四方昔毛西河謂天下不可信者三志書其一誠有慨乎其言之也泌為中州僻邑宋元以前寥寥罕紀至勝國而文物聲名彬彬稱極盛焉惜鼎革之餘書缺有間我

朝康熙年間

勅直省郡縣志送史局備纂一統全書三十四年乙亥前令莫公國芳奉大中丞檄始修之迨五十三年甲午前令程公儀千復奉郡伯檄續修今舊志是也顧自康

泌陽縣志

卷首序

一

熙甲午迄於今又百有餘年矣其間變遷沿革時異勢

殊籍賦有增減建制有興廢學校有隆替人物有盛衰與夫風俗好尚之丕變者幾何嘉言懿行之可紀者幾何苟不及今補輯將日就湮沒後之人尋墜緒之茫茫其孰從而徵之而孰從而信之道光五年乙酉春余初蒞任檢閱舊志求莫志已不可得僅志僅有四卷缺畧頗多體裁亦不甚合因思志書記載政體所關余雖荒陋豈可畏其難而闕焉弗講耶承乏以來幸比歲豐稔民氣恬熙如義學魁星閣普濟堂以及署解橋梁之類

泌陽縣志

卷首序

二

凡有修舉皆已次第就理爰集邑紳士而告之曰彰往昭來官斯土者之責也徵文考獻生斯土者之資也人事三十年一變况百年乎邑志之宜修也亟矣諸君獨無意歟僉曰唯命適前司訓河內栗君稼軒有遊泌之信君為余選拔先後同諧品行端方學問博雅曾贊修河內志卓有可觀且秉泌鐸將二十年其於泌之風土人情典章名物靡不洞悉於胥余聞之喜勸助之有人前所謂難者今竟無慮是也於是訂延來泌共相討論開局纂修其體裁大變程志之舊一依史家為叙次凡

舊志所缺者補之譌者正之百餘年之間山川人物因革損益發凡起例綱舉目張始於戊子二月越十月而脫藁爲卷十有二爲目十有七較程志增十之七八雖其中掛漏舛謬均所難免而與栗君往返商確貼說傳箋當公冗倥傯之際挑燈揮汗意匠經營亦良苦矣夫前事不忘後事之師也我

國家重熙累洽久道化成吏治蒸蒸遠軼前古宰一邑者當知一邑之事而事所由知以志爲據必歷歷如指諸掌斯在在可會於心觀沿革建置則思區分經畫何

泌陽縣志

卷首序

三

以鞏固苞桑觀疆域山川則思扼險提封何以綢繆未雨觀賦役學校選舉人物則思富教兼施何以使民厚生而正德觀祠廟祥異風俗物產則思神人胥格何以使民康樂而安平觀職官宦蹟則思績著循良何以無慙尸素觀古蹟藝文則思言垂金石何以不朽芳馨余待罪於斯瞬逾三載自愧碌碌未有善政善教以大爲措施而民間之利病無不刻係於懷今成是書亦藉以鏡得失昭勸懲庶乎張弛與革有所持循勤求治理可告無罪耳若謂妄操鉛槧矜著述以備一方之掌故則

風塵俗吏又安敢出此哉時道光八年歲次戊子小陽月知泌陽縣事嶺南倪明進序

泌陽縣志

卷首序

四

泌陽縣志舊序

邑之有志與史相為表裏者也而志有更難於史者蓋史之修必聖天子網羅於上賢宰輔贊襄於下集四海九州山林隱逸才宿博洽之士共事鉛槧且其事又經異代之後其為是非得失論定久矣去取筆削於其間從容論斷以定之故史一出而萬世可以昭信焉至於志則事不過數十年跡不出里巷間所見異所聞復異或至有其事而不必傳傳其事而未必有掄揚失之太過核實疑于非真聽眾論之悠悠奚以徵信任獨見之

泌陽縣志

卷首 舊序

一

今上勅行天下大修一統志而大中丞顧公秉鉞天中爰體

聖天子維持世道振興風化美意檄行郡縣俾各廣其蒐羅嚴其紀載以備輔軒之擇蓋誠欲上襄盛治下礪淳俗以示一代之鉅典萬世之信編甚盛舉也芳雖弁

敢不從事於是執舊志凡例進邑士大夫而問之曰邑之沿革得毋考核有未至乎其必詳必確無滋荒謬也天文疆域得毋有遙度臆說者乎其必典必核根柢有據也池隄壇壝學舍祠宇其建置興廢得毋有未脩名山巨川阨塞關梁其形勢險要得毋未瞭如指掌古蹟得毋未盡彰風俗奢儉得毋未盡上陳土地之肥瘠幾何賦役之增減幾何山林園廬之多寡水利川防之通塞鹽鹺市課之損益其為利為害若何其毋纖悉未備本末或舛也職官之循良其勞心撫綏者何人其毋淹

泌陽縣志

卷首 舊序

二

沒而名不彰也望賢師儒之嘉言懿行其流傳于後者果人皆可考各臣科第忠孝節烈之遺跡其表表猶存者果事皆有據其毋實與名違貽譏後世也至于流寓隱士各從其類方技文苑悉載于篇祥瑞務紀其實災祲亦錄其異其必刪浮節冗簡約該博庶無負

聖天子明備至治與大中丞纂修雅意也邑士大夫咸趨而前曰休哉敬聞命矣爰是設局延賢借高子而煒吳子極焦子淪陳子維則曰俞等鍵戶商確廣覽博搜事紀其實偽弗載也語從其質靡弗修也句櫛字比刪繁

補闕越數月告竣乃作而言曰嗟乎泌一彈丸邑耳其地不及大郡縣十之一而又多山號爲石田宰斯土者雖有宏才碩畫方日事催科且弗能償况芳以俗吏爲之敢云政和民暇從事纂修可脩文獻哉顧有其舉之莫敢廢也有其紀之莫敢畧也雖一方一邑之事不足當太史之採而闕斯編者益瞭然于泌之偏僻爲不足比數焉將愛而恤之撫而字之則泌民且益返於淳矣以此爲葑菲之獻也亦何不可乎

皆

泌陽縣志

卷首

舊序

三

康熙三十四年歲次乙亥春王正月穀旦知泌陽縣事

莫國芳拜撰

舊序

嘗讀漢書地理志其間形勢之險易戶口之盈虛風俗之正淫事蹟之沿革莫不較如指掌豈第以廣見聞凡欲爲政者因俗制宜以馴至於時和物阜也我

皇上御極五十三年深仁厚澤淪肌浹髓遐陬僻壤舉欣欣樂大化之成其爲生齒日以繁氣象日以新者不勝紀也而郡邑之謠因循故舊率多缺而未及載南陽府憲惕然念之乃據紳士之請上其議於

大中丞公公允其請檄下郡縣凡舊志有未脩者皆增

泌陽縣志

卷首

舊序

四

而續之儀千待罪泌陽恭承明命乃進邑之士大天而謀之日泌邑之志由來舊矣重修於康熙三十四年亦既燦然具備矣顧此二十年以來休養生息振興廢墜其戶口之增者幾何其田疇之闢者幾何其學舍祠廟之易舊而新者幾何其職官人物之卓卓可紀者幾何其風俗好尚之革薄從忠者又幾何苟不能廣搜博採非所以仰承德意也於是借邑紳士馬君之起焦子昉諭吳子憲共爲考訂採之必詳不敢失於疎漏也擇之必慎不敢流於無稽也紀撫循之實蹟發潛德之幽光庶

幾可以報明命矣至於天文分野山川疆域古蹟物產之類則固千百年不易者率仍其舊無庸妄為改易圖新耳目也深愧謏陋無文未能周詳而典瞻然覽是志者恍然于泌邑之荒殘而今昔改觀有如是者孰非上之人噢咻拊循之效歟夫因其俗可以施政焉然則自茲以往民生何以日阜民俗何以日醇其有待于上憲之經營區畫而下吏于以奉行德意者皆于是志係之也志既成遂為之序

肯

泌陽縣志 卷首 舊序 五

康熙五十三年歲次甲午季冬望日文林郎泌陽縣知縣加一級松江程儀千拜手序

修志姓氏

鑒定

分巡南汝光道兼管水利事務加三級王家相江蘇常熟人己巳
南陽府知府加一級 唐業謙受湖南善化人戊辰

纂修

泌陽縣知縣加三級 倪明進香廣東海陽人己巳

編輯

前 泌陽縣訓導 栗 鄧豫河南開州人己巳

協修

泌陽縣志 卷首 姓氏 一

泌陽縣教諭 賈鹿洞孟縣人

泌陽縣訓導 權 瑤虛氏人

駐防泌陽縣把總 陳萬魁洛陽人

駐防泌陽縣沙河店外委 劉朝慶南陽縣人

署泌陽縣典史候補縣丞 費震文江蘇寶應人

總理

辛酉科拔貢 生吳榮姬邑人

府學廩生 鄒興讓邑人

校對

縣學廩	生李濬	邑人
縣學廩	員楊凌雲	邑人
縣學廩	生李沛	邑人
縣學廩	生鄒英懷	邑人
生張梅軒		
探訪		
前汝州學正丙午科舉人關起峯		邑人
扶溝縣教諭己酉科拔貢生田本腴		
庚申科舉人焦錫田		
泌陽縣志	卷首	姓氏
二		
候選教諭癸酉科拔貢生田嗣馨		
候選講導歲貢生呂協韶		
乙酉科拔貢生楊維修		
前廣東候補縣丞李構		
捐職都司邱振寰		
候選縣丞王安仁		
附貢生邱慎修		
捐職中書王漢藜		
生員陳觀		

生	員焦其東
監	生李振國
勤刻	
士子科武	舉吳名勳
捐職守	備呂復會
捐職同	知李汝輔
捐職州	同晁碩
	關正典
	李培經
泌陽縣志	卷首
三	姓氏
捐職千	總薛永貞
	牛崑培
	焦巨川
齋	秦李榮
貢	生崔永誠
	林芳森
生	員楊振宗
生	員馬相貞
武	生尙鳳鳴

王允中

王廣德

韓紹和

吳進堂

監

生張孔厚

花有楨

張一端

侯廷珠

高緒書

四

禹率典

宋玉琢

陳健安

王謙泰

郭峻陵

張文清

劉禹錫

焦巨富

王方中

從

王舉

譚太陽

九李鳴岐

五

凡例

上海圖書館藏

一 泌邑舊志四卷修於康熙五十三年迄今一百一十餘載冊籍遺聞佚失孔多今忝考通志郡志并博為蒐採續修成篇凡舊志之訛誤者訂之闕畧者補之釐為十二卷篇中子目或併或分大變舊志之例務期合於體裁不盡狃於成說也

一 志有沿革所以審地望也地望不審疆域山川因而錯迤者多矣泌邑唐縣相距百里唐貞觀中始置泌州以比陽為附郭比陽即今唐縣凡言泌州實今之

泌陽縣志

卷首

凡例

一

唐縣也五代朱梁改泌州為唐州移治泌陽凡言唐州實則今之泌陽也通志郡志未能限斷大胡山馬仁陂既以屬泌又隸於唐名實無憑何以傳信故志沿革者首在明唐泌之分界唐泌之分界明而疆域山川古蹟無不犁然矣茲志託始於此按之輿圖証之史傳別部居方頗為詳悉至於易志為表畧做景定建康志體例而併記事兵燹為一以備詳考焉

一 泌邑諸山以大胡為幹龍而泌河又諸水之經流

也舊志封域全圖尙為明確第土人俗傳頗多乖錯甚至佚其本名郡志於泌泚二水原委亦多含混今悉據舊圖正之

一 中州風土大概相同惟是習俗小有變更物產稍殊土性亦不可不辨也舊志所載未免大畧茲做南方草木狀桂海虞衡志體例為加詳焉亦因物土之宜而布其利之遺意耳

一 田賦雜稅倉儲鹽法各款以今較昔多有不同謹遵賦役全書及現存檔冊開列其詳

泌陽縣志

卷首

凡例

二

一 舊志有災祥一門然百餘年來和氣翔洽幾無庸記茲僅據通志郡志所偶見者載之並徵諸耆舊傳聞增補數條以見水毀金穰氣運盈耗有如是之不齊云爾

一 舊志學校僅載堂廡廣狹之制書院義學亦屬虛名其餘闕入 文廟祀典體製殊乖今書院義學既經創建自應補入至若

列聖謨訓廣厲學宮典至鉅也尤當敬謹續入以昭法守其 聖廟祀典別列於祠祭一門庶幾畫一

一 祀典首載 文廟

學朝尊崇

至聖典禮優隆而從祀之先賢先儒位次亦多更定其

他壇境祀廟各有新增所宜備書以昭

盛典

一 舊志營建頗為詳悉第百餘年來重修之功亦宜

備誌至若普濟堂養濟院矜恤孤惻尤政之善者

前志未及今為續入

一 宛南府志修於嘉慶丁卯泌邑職官尙有遺漏茲

泌陽縣志

卷首

凡例

三

據實補入若崇祀名宦例經 題請而後入祠不

容妄增也其或善政及人口碑在道誌甘棠之遺

愛留治譜於來茲別為宦蹟一傳至若兵防武職

重守禦也亦並紀焉

一 選舉自康熙五十三年以後歷科進士舉人以及

恩拔副歲優貢皆引據續入而捐職人員或經

出仕者亦併附焉其武科進士舉人與夫軍功行

伍受爵出仕者別為一表

一 人物一編以類區分范雲范縝著於南史舊志遺

焉失考甚矣茲謹據實補入至若蓋棺論定凡其人現存者例不立傳

一 列女有傳始於劉向為貞為烈皆以節著者也百

餘年來 題請旌表者固宜詳誌其或堅貞自矢

未及年例而先亡者或有年例既符而宗族單寒

不能代為表揚者顯微闡幽繫志是賴茲首列已

旌之人餘悉以次附列於後

一 藝文之志以人傳亦以文重必擇其雅馴者錄之

又必有關於本邑之地與人非徒取其詞藻也或

泌陽縣志

卷首

凡例

四

有人與文皆無足取而志所不遺存題目也他如

前人名志多有金石一門泌邑古碣既屬寥寥一

切碑版之詞有可取者併入藝文

一 志書例資考証馮魚山先生修孟縣志借書至數

車之多泌邑載籍缺如僅就耳目所及叅訂成編

掛漏之請知所不免至百餘年來孝義節烈窮鄉

僻壤之中採訪所未及者亦復何限日後續有聞

見當別為一篇以備補遺

泌陽縣志目錄

卷首

序文 舊序附

修志姓氏

凡例

目錄

輿圖

卷一

沿革表 紀事兵燹附

泌陽縣志 卷首 目錄

疆域志 星野附

卷二

山川志 橋梁 陂堰水利附

古蹟志 塋墓 寺觀附

卷三

災祥志

風土志 物產附

卷四

營建志 坊表 普濟堂 漏澤園附

祠祭志

禮器 樂歌附

卷五

學校志

學田 書院 義學 鄉飲酒禮 鄉約 賓興附

卷六

兵防志

賦役志 雜稅 倉儲 鹽引附

卷七

職官表

宦蹟傳

泌陽縣志 卷首 目錄

選舉表 軍功職監附

卷八

人物傳

名賢 文學 孝義 隱逸 藝術 仙釋 流寓附

列女傳

卷九

藝文志 文

卷十

藝文志 文

卷十一

泌陽縣志 卷首 目錄



三




泌陽縣志

卷首 輿圖








泌陽縣志

卷首

文廟圖

四



泌陽縣志

卷首

東

五

